



Trosolwg diogelwch

Sicrhau Gwybodaeth (SG) – Wedi'i Gynllunio ar gyfer y Rhwydwaith CBESC

Mae'r sector cyhoeddus o dan bwysau cynyddol i drin gwybodaeth, yn enwedig gwybodaeth bersonol, yn fwy diogel. Mae mwy o ffocws ar y niwed sy'n cael ei achosi i ddinasyddion a busnesau, ac i enw da'r sefydliad, pan fydd gwybodaeth yn cael ei cholli neu ei chamddefnyddio.

**“Byddai'r swyddfa hon yn dewis
negesu dibynnol trwy rwydweithiau
diogel yn hytrach na defnyddio
offer storio cyfryngau symudadwy
er mwyn rhannu gwybodaeth.”**

Swyddfa'r Comisiynydd Gwybodaeth.

Wrth Wraidd Sicrhau Gwybodaeth

Mae'r rhwydwaith CBESC yn cynnig medrau diogelwch heb eu hail, ac mae Sicrhau Gwybodaeth wedi cael ei ymgorffori o'r cychwyn.

Mae cyflenwr y rhwydwaith CBESC, Logicalis UK, yn cyflogi sefydliad annibynnol sy'n arbenigo mewn cydymffurfiaid SG ac ardystio systemau TGCh y sector cyhoeddus.

Mae'r tîm hwn o ymgynghorwyr CLAS (Cynllun Cynghorwyr Rhedredig CESG) yn cynghori Logicalis ac yn sicrhau bod y rhwydwaith CBESC yn bodloni'r safonau presennol ar gyfer SG.

galluogi cyflenwi gwasanaethau

Caiff CESG, y Grŵp Diogelwch Electronig Cyfathrebu, ei gydnabod fel y prif awdurdod cenedlaethol yn y DU ar SG. Mae'n cynghori Llywodraeth Cynulliad Cymru ar statws SG y rhwydwaith CBESC, ac yn sicrhau bod cynllun, ffurf a gweithrediad y rhwydwaith yn cydymffurfio â pholisi a safonau SG sy'n newid yn aml, fel y'u hamlinellir gan y CSIA (Nodwr Canolog Sicrhau Gwybodaeth Swyddfa'r Cabinet).

Cyfrinachedd, Uniondeb ac Argaeledd

Mae pensaernïaeth dechnegol y rhwydwaith wedi ei chynllunio a'i gweithredu i greu rwydweithiau rhithwir ar wahân ar isadeiledd a rennir. Caiff pob rhwydwaith rhithwir ei greu i gwrdd ag anghenion diogelwch y gymuned sy'n ei ddefnyddio, sy'n mynnu gwahanu rhai swyddogaethau ond cysylltedd rheoledig â'r rhyngwyd a gwasanaethau eraill er mwyn caniatáu ar gyfer darparu gwasanaethau a rhyngweithredu. Mae priodweddau diogelwch pob amgylchedd yn cael eu cynllunio i gwrdd â'r gwahanol faterion y mae defnyddwyr olaf yn eu hwynebu, trwy ddefnyddio'r mesurau a ddiffinnir yn y broses achredu.

Mae a wnelo SG â mwy na diogelwch corfforol yn unig, sef diogelu offer y rhwydwaith CBESC rhag ymosodiad. Ar gyfer y rhwydwaith CBESC, mae'n ymwneud â'r ffordd y caiff yr Ased Gwybodaeth (data cwsmeriaid) ei ddiogelu wrth iddo gael ei gludo ar draws y rhwydwaith. Felly, a chan ddilyn canllawiau CESG, caiff yr Ased Gwybodaeth ei gludo heb fod unrhyw un yn ei wyllo, tarfu arno na'i addasu, ac mae ar gael bob amser. >



Trosolwg diogelwch

galluogi cyflenwi gwasanaethau

Mae'r SG sy'n cael ei ddefnyddio gan y rhwydwaith CBESC yn cwmpasu pobl, polisïau a gweithdrefnau ynghyd â lleoliadau a'r dechnoleg ei hun. Mae fframwaith SG y rhwydwaith CBESC yn ystyried yr holl agweddau hyn, ac mae'n defnyddio ystod gynhwysfawr o fesurau SG a diogelwch, wedi eu gweithredu gan ddull a gymeradwywyd yn llawn gan CESG.

- Caiff y rhwydwaith CBESC ei achredu gan CESG i gludo Asedau Gwybodaeth at lefel GYFYNGEDIG rhwng y 22 o awdurdodau unedol yng Nghymru a'r Adran Gwaith a Phensiynau.
- Mae atebion ar gael i alluogi'r rhwydwaith CBESC i gludo deunydd wedi ei farcio'n ddiogel at lefel GYFRINACHOL neu IL4.

Gweithgareddau a Chyflawniadau SG

Adeiladwyd y rhwydwaith CBESC er mwyn iddo allu cael ei achredu gan berchnogion asedau gwybodaeth ar gyfer cludo Asedau Gwybodaeth hyd at y lefel GYFYNGEDIG (a ddiffinnir gan Gynllun Marcio Diogelwch HMG) a Lefel Effaith (IL) 3 CESG.

Er mwyn cynnig ateb diogel, mae portffolio presennol y mesurau SG yn cynnwys y canlynol:

- Mae holl weithwyr Logicalis ac isgontractwyr a'r tîm CBESC yn Llywodraeth Cynulliad Cymru sy'n gweithio ar y prosiect yn cael caniatâd diogelwch i lefel BPSS (safon diogelwch personél sylfaen), sy'n caniatáu iddynt drin deunydd CYFYNGEDIG a lefel IL3.
- Caiff aelodau allweddol staff yr holl sefydliadau ganiatâd diogelwch at lefel Gwiriad Diogelwch, sy'n caniatáu iddynt drin deunydd CYFRINACHOL neu IL5.
- Caiff Logicalis, y staff, isgontractwyr, y gweithdrefnau a'r prosesau a ddefnyddir i ddarparu gwasanaethau CBESC a'r rhwydwaith ei hun eu hardystio i ISO27001:2005, y safon a gydnabyddir yn rhyngwladol ar gyfer System Rheoli Diogelwch Gwybodaeth (mae hyn yn berthnasol i Logicalis UK A'R rhwydwaith yn eu cyfanrwydd).